



COMUNU DE SABARUSSA

Prov. de Aristanis

Corso Fratelli Cervi, 90- 09077 SABARUSSA

Tel 078337821; PEC: protocollo@pec.comune.solarussa.or.it Mail: protocollo@comune.solarussa.or.it

AVISU INTEGRATIVU PO AGIUDAI IS ATIVIDADIS ECONÒMICAS E PRODUTIVAS CHI NO ANT PÒTZIU TRABALLAI BENI PO MORI DE IS PROVEDIMENTUS DE SU GUVERNU PO S'APRETU DE SU COVID-19

SABARUSSA PO IS IMPRESAS SUAS

Po su fatu, ca cunforma a is resursas chi at stantziau s'Amministratzioni Comunali de Sabarussa ponendi in pràtica sa delìbera de sa Giunta Comunali n. 83 de su 16 de onniasanti de su 2020 po agiudai is atividadis produtivas localis chi traballant a servìtziu de sa comunadadi, po su chi pertocat a su chi s'est decidiu apustis de is provedimentus de su Governu po parai faci a s'apretu epidemiològicu de COVID-19 a integrazzioni de is interventus Statalis e Regionalis giai incarreraus a beneficiu de is impresas, si scerant economias chi cun delìbera de sa Giunta Comunali n. 116 de su 18 de su mesi de idas de su 2020, ddas ant torradas a programmai alladiendi de prus su circu de is chi ndi tenint deretu finas a is chi podint certificai un'amenguamentu de su fatturau insoru de su 30% rispetu a sa media de is 2 annus prima.

Manera e càrculu de s'agiudu

S'agiudu s'at a cuncedi a totu cussas impresas chi ant suspèndiu s'atividadi po efetu de su DPCM 22 de martzu de su 2020 e de su DPCM 3 de onniasantu, e a cussas impresas chi po efetu de cussus provedimentus etotu ant tentu in su 2020 un'amenguamentu de su fatturau insoru prus bàsciu de su 30% rispetu a sa media de is annus 2018-2019. Po acumentai is abisòngius prus de apretu e esenzialis comentis a spesas de pesoni, allogu, màchinas firmas, bulletas, ammortamentu investimentus e àterus costus in pei chi s'impresa, mancai is istadu de suspensioni at dèpiu aguantai, costus de adeguamentu a is normas de seguresa po torrai a atacai s'atividadi.

S'agiudu si podit aciungi a àterus interventus chi ant postu in contu in cussa simana Istadu e Regioni e at a podi teni unu balori màssimu de € 500,00 in funtzioni de is craterìsticas de s'impresa e de su puntègiu chi at a teni segundu a is cretèrius postus in contu in custu avisu;

Beneficiàrius

Ant a podi intregai dimanda de agiudu **sceti** is impresas ativas movendi de su 22 de martzu de su 2020 e chi a oi no ant serrau s'atividadi, chi tenint sa **sea legali e operativa in Sabarussa** e chi ant suspèndiu s'atividadi po efetu de su DPCM 22 de martzu de su 2020 e amenguau cussa etotu po mori de su DPCM 3 de onniasantu de su 2020 o cussas impresas chi po efetu de is provedimentus etotu ant tentu in su 2020 un'amenguamentu de su fatturau insoru prus bàsciu de su 30% rispetu a sa mèdia de is annus 2018-2019.

Si lassant a foras custas impresas:

- is chi ant giai beneficiu su contributu in su primu avisu
- is chi, mancai tenendi sea legali in Sabarussa, tenint seas operativas **in àterus Comunas;**
- is chi s'atividadi non dda at suspèndia su decretu;
- is chi non funt iscritas in sa Càmera de Cummèrciu e non funt titularis de partita IVA;
- is chi bendint produsus e servìtzius in linia in s'arretza;
- is chi tenint ricavus mèdius de su 2018 e 2019 prus bàscius de € 5.000.

A is atividades de somministratzioni de mandari chi po mori de s'inserru e amenguamentu de oràriu po decretu ant sighiu a traballai **cun asportu o intregu a domu** s'at a concedi unu contributu non prus artu de s' 80% de su contributu chi fait a donai.

Acontessendi in su matessi nùcleu famillari prus sugetus titularis de impresa o de partida IVA, sa rechesta dda at a podi fai feti unu a nùcleu famillari.

Critèrius e premialidadi

- titulari de s'impresa residenti in Sabarussa – **puntus 20**
- titulari de s'impresa **non residenti** sena de dependentis – **puntus 0**
- titulari de s'impresa **non residenti** cun n. 1 dipendenti residenti in Sabarussa – **puntus 10**
- titulari de s'impresa **non residenti** cun n. 2 dependentis residenti in Sabarussa – **puntus 15**
- titulari de s'impresa **non residenti** cun n. 3 o prus dependentis residenti in Sabarussa – **puntus 20**
- titulari de s'impresa **residenti** cun n. 1 dipendenti residenti in Sabarussa – **puntus 10**
- titulari de s'impresa **residenti** cun n. 2 dependentis residenti in Sabarussa – **puntus 15**
- titulari de s'impresa **residenti** cun n. 3 o prus dependentis residenti in Sabarussa – **puntus 20**
- regularidadi contributiva (DURC) a su 22 de martzu de su 2020 – **puntus 10**
- regularidadi tributària (TARI, IMU) a su 22 de martzu de su 2020 – **puntus 10**
- ricavus mèdius de su 2018 e 2019 intra de € 5.000 e € 15.000 – **puntus 0**
- ricavus mèdius de su 2018 e 2019 intra de € 15.000 e € 30.000 – **puntus 10**
- ricavus mèdius de su 2018 e 2019 prus de € 30.000 – **puntus 20 - setori:**
- agricoltura, silvicoltura, pisca ecc. – **puntus 5**
- indùstria, artisanìa, cummèrciu e servìtzius – **puntus 10**
- bar, ristoranti, pizzerias – **puntus 20**

Is impresas chi ant inghitzau s'atividadi pagu tempus a custa parti e po tanti non podint fruniri is ricavus mèdius de su 2018 e 2019 ant a depi inditai totu is ricavus chi pertocant is mesis de atividadi e inditai a fini a fini su periodu de inghitzu e de acabbu de is ricavus inditaus.

Càrculu premialidadi

Su puntègiu prus artu chi unu podit lompi est 100 puntus. Is impresas chi arribant a custu lìmiti ant a podi arriciri sa cuota màssima de su contributu. Po is impresas chi arribant a is centu puntus, su puntègiu s'at a carculai comenti a percentuali màssima po sa cuncessioni de su contributu (Es. un'impresa chi fait in totu 80 puntus in sa summa de is puntus de premialidadi at a podi teni un'agiudu màssimu de s'80%).

Càrculu faturau e amenguamentu

Po carculai s'amenguamentu de su faturau tocat a inditai in sa dimanda totu su faturau de su 2018 + totu su faturau de su 2019 e partziu po duus, in prus tocat de inditai totu su faturau de s'impresa finas a su 30 de onniasantu. Candu custu ùrtimu non sartat su 70% de su faturau mèdiu de su 2018 e 2019 si at a teni deretu a su contributu.

Assinnamentu contributu

Po atestai ca unu tenit is rechisius po intrai a sa misura, chi ponit in contu su provedimentu, su beneficiàriu at a depi intregai dimanda a tràgiu de decraratzioni sustitutiva de àutu notòriu indirizada a: **Comunu de Sabarussa – Cursu F.lli Cervi, 90 – Sabarussa (OR)**, aintru de sa ora de sa **1,00 de meigama** de su **29 de su mesi de idas de su 2020**.

Is dimandas po intrai a su contributu s'ant a depi intregai, chi fait mellus a posta eletrònica, cumpilendi su mòdulu chi at fatu aposta s'Amministratzioni chi tocat de nci mandai, impari a còpia de unu documentu de identidadi, a s'indiriztu protocollo@pec.comune.solarussa.or.it o a s'indiriztu protocollo@comune.solarussa.or.it, o sinuncas (comenti si siat sconillau), intregendi-dda a manu a su Sportellu de su Municipiu, cun arracumandada A/R o corrieri espressu autorizau chi portat in sa busta su nòmini de chi nci dda mandat e sa scritta "*Partecipazioni a su bandu Sabarussa po is impresas suas*". Is dimandas arribadas sartada sa data de su 30 de su mesi de idas s'ant a carculai feti candu ddui at resursas

abarradas o candu s' Amministratzioni coberat àteras resursas po ammanniai su stantziamentu chi giai tenit e iant a podi essi non pagadas aintru de su 2020.

Is dimandas non cumpretas o chi non torrant paris s'ant a lassai suspèndias finas a coberai is datus chi amancant, Is ufizius incarrigaus ant a fai cuntrollus asuba de sa beridadi de is decraratzionis sustitutivas fatas po pigai parti a su bandu;

Cunsiderau ca is resursas torradas a programmai e postas a disponimentu de su Comunu de Sabarussa po is ajudus chi funt in custu Avisu Integrativu est de € 4.500,00, candu custu importu no bastat a acumentai totu is rechestas, is contributus s'ant a poni in proportzioni me in is limitis de is resursas a disponimentu. Is chi ant intregau dimanda chi pertocat s' Avisu passau e non ddas ant finantziadas cun is critèrius passaus ma si podint finantziai immui cun is critèrius nous ant a depi torrai a intregai sa dimanda.

Responsàbili de su procedimentu est Dot. Marco Casula chi s'at a podi cuntatai a posta eletrònica a s'indiritzu segretariocomunale@comune.solarussa.or.it o a telèfonu a su n. 0783 378207.

Su Responsàbili de su Servìtziu
Su Segretàriu Comunali
Dt. Marco Casula